

ՄԻԶԱԶԳԱՅԻՆ ԳԻՏԱԺՈՂՈՎ՝ «ՏԵՂԱՀԱՆՈՒԹՅՈՒՆ
ԵՎ ՀԻՇՈՂՈՒԹՅՈՒՆ. ԱՐՑԱՆԻ ՇԱՐՈՒՆԱԿԱԿԱՆ ՃԳՆԱԺԱՍԸ
ԲԱՆԱԿՈՐ ՊԱՏՄՈՒԹՅՈՒՆՆԵՐՈՒՄ» ԽՈՐԱԳՐՈՎ*

Հոկտեմբերի 16–18-ը ՀՀ Գիտությունների ազգային ակադեմիայում (ԳԱԱ) տեղի ունեցավ «Տեղահանություն և հիշողություն. Արցախի շարունակական ճգնաժամը բանավոր պատմություններում» խորագրով միջազգային գիտաժողովը, որը կազմակերպվել էր ԳԱԱ հնագիտության և ազգագրության ինստիտուտի (ՀԱԻ) մշակութային մարդաբանության բաժնի, կիրառական մարդաբանության գիտահետազոտական խմբի, «Հազարաչեն» ազգաբանական հետազոտությունների հայկական կենտրոնի և Ֆրանսիայի – Institut National des Langues et Civilisations Orientales (INALCO)՝ համալսարանի նախաձեռնությամբ: Գիտաժողովի նպատակն էր՝ բազմակողմանիորեն քննարկել 2020 թ. Արցախի դեմ սանձազերծված պատերազմը, դրան հաջորդած Արցախի փաստացի պաշարումը, 2020–2023 թթ. ընթացքում ծրագրված և 2023 թ. սեպտեմբերին իրականացված Արցախի ամբողջական հայաթափման ու բնակչության բռնի տեղահանման արտացոլումը, մեկնաբանումը և իմաստավորումը միջազգային ու տեղական լրատվական դաշտում, հասարակական քննարկումներում և, հատկապես, բանավոր պատմությունների միջոցով փոխանցվող հիշողության շերտերում: Քննարկման առանցքում եղան ոչ միայն հիշողության բովանդակային և տեղեկատվական կառուցվածքները, այլև այն մեխանիզմներն ու ձևերը, որոնցով փոխանցվում է ապրած փորձը, ինչպես նաև հիշողություն կրող խմբերի դերակատարումը, պատերազմի և արտաքսման քաղաքականության տրամաբանությունը, դրանց սոցիալական, մշակութային ու հոգեբանական հետևանքները:

Գիտաժողովը մեկնարկեց ԳԱԱ նախագահության նիստերի դահլիճում: ԳԱԱ հայագիտության և հասարակական գիտությունների բաժանմունքի ակադեմիկոս-քարտուղար Յուրի Սուվարյանի և ՀԱԻ տնօրեն Արսեն Բոբոխյանի բացման խոսքով: Բացման խոսքում նրանք շեշտադրեցին Արցախի վերաբերյալ գիտական քննարկումների հրատապությունը՝ ընդգծելով, որ արցախյան մշակութային և պատմական ժառանգության հարցը դուրս է գուտ տարածաշրջանի սահմաններից ու չոչափում է հայկական ինքնության և գոյության հիմնարար շերտերը:

Գիտաժողովին գրանցված էին հետևյալ մասնակիցները, որոնց մի մասը՝ առցանց:

Օր առաջին

Հրանուշ Խառատյան (ՀԱԻ) – «Միջնադարյան աղբյուրների տեղեկությունները Առան, Աղվանք, Ռան, Խաչեն, Ղարաբաղ անունների, դրանց տեղադրության և իմաստի շուրջ»: Հակոբ Սիմոնյան (Պատմամշակութային ժառանգության գիտահետազոտական կենտրոն) – «Ծիծեռնավանքը պեղումների

* Ներկայացվել է 21. XI. 2025 թ., ընդունվել է տպագրության 17. XI. 2025 թ.:

լույսի ներքո»։ Լեոնիկ Հովհաննիսյան (ՀԱԻ), Մխիթար Գաբրիելյան (Երևանի պետական համալսարան՝ ԵՊՀ) – «Արցախի հայ բնակչության բռնազաղթը 18-րդ դարի վերջին – 19-րդ դարի սկզբին տարածաշրջանում միգրացիոն գործընթացների համատեքստում»։ Նժդեհ Երանյան (Հայաստանի պատմության թանգարան՝ ՀՊԹ) – «Մշակութային ժառանգությունը որպես հակամարտության դաշտ. Արցախի նախաքրիստոնեական մշակույթի օրինակը»։ Գաբրիել Զիլինգարյան (Պազմանի Պիտերի անվան կաթոլիկ համալսարան՝ ՊՊԿՀ) – «Խորհրդային մոտեցումները ինքնավարությանը. Լեոնային Ղարաբաղի դեպքի ուսումնասիրություն»։ Հրանուշ Խառատյան (ՀԱԻ) – «Խորհրդային Ադրբեջանի մշակութային քաղաքականությունը ըստ պաշտոնական փաստաթղթերի՝ որպես արցախյան ճգնաժամը նախապատրաստող գործոն»։ Թալին Տեր-Մինասյան (INALCO) – «1980-ականների վերջին Ղարաբաղյան շարժման ի հայտ գալը. Մուրադյան / Սարգսյան սպիտակ թուղթը որպես պատմական աղբյուր»։ Հայկուհի Մուրադյան (ԵՊՀ, ՀԱԻ) – «Պատերազմը, բռնի տեղահանությունը և արվեստը. արցախյան ժամանակակից արվեստագետների հիշողությունները և ինքնության վերաիմաստավորումը»։ Մադիամ Պետրոսյան (ՀՊԹ) – «Արցախ 2020. Արեգ Բալայանի վավերագրական լուսանկարները, որպես պատերազմի վիզուալ վկայություն»։ Ամալյա Դիլանյան (ՀԱԻ), Նոնա Շահնազարյան (ՀԱԻ) – «Դեպորտացիա, հիշողություն և հառնադրություն. Խորհրդանշական առարկաների և արվեստի գործերի բազմապատկում՝ ռետրոսպեկտիվայի, թե՞ տրավմայի հաղթահարում»։

Օրվա ավարտին ցուցադրվեց Արսեն Եսայանի «Գոյամարտ» վավերագրական ֆիլմը, որը հարստացրեց գիտաժողովի թեմատիկ շրջանակը՝ ներկայացնելով Արցախից բռնի տեղահանված բնակչության ճակատագիրը, մարդկային դիմադրողականությունը և գոյապայքարի պատմությունները։

Օր երկրորդ

Հասմիկ Կնյազյան (ՀԱԻ) – «Թվանշային հայրենիքներ. Ֆեյսբուքը որպես համայնքային արխիվ Արցախում քաղաքական ջնջմանը դիմագրավելու համատեքստում»։ Նաիրա Երկանյան (Հայաստանի պետական մանկավարժական համալսարան) – «Տեղահանության փորձառությունը. Արցախյան Հայաստան տեղափոխված ավագ դպրոցականների հիշողությունն ու տրավման»։ Կարինե Ալեքսանյան (Շիրակի հայագիտական հետազոտությունների կենտրոն) – «Արցախյան հիշողությունն ու պատմությունը կրթական համակարգում»։ Զարուհի Համբարձումյան (ՀԱԻ) – «Արցախյան պատերազմի «հիշողության անկյունները» դպրոցներում»։ Գոհար Ստեփանյան (ՀԱԻ) – «Անցումը բյուրոկրատականից կենսագրականին. փաստաթղթերը և հիշողությունը արցախյան տեղահանության համատեքստում»։ Հովիկ Ավանեսով (ԳԱԱ պատմության ինստիտուտ՝ ՊԻ) – «Ադրբեջանի կողմից Արցախում իրականացվող հայկական մշակութային ժառանգության յուրացման և ոչնչացման քաղաքականության լուսաբանումը Ֆրանսիայի հայկական պարբերական մամուլում (2020–2025)»։ Նազլը Թեմիր-Պեյլեբեան (INALCO) – «Բանավոր պատմություններ. պատմություններ Լեոնային Ղարաբաղի բախումին մասին՝ հետցեղասպանական հասարակության մեջ. Թուրքիո պարագան»։ Գայանե Շադոյան (ՀԱԻ) – «Արցախի բռնի տեղահանության խոսույթը Հայոց ցեղասպանության հիշողության համատեքստում»։ Լիլիթ Սաղաթելյան (ՊՊԿՀ) – «Կորստի զուգահեռ պատմություններ. նախիջևանահայերի բանավոր վկայությունները 1988-ից հետո»։ Նոնա Շահնազարյան (ՀԱԻ) – «Արցախի 2023 թ. բռնի տեղահանության հիշողությունը չորս ֆոկլոր-խմբերի պրեզմայով. դի-

տարկումներ Կոտայքի և Գեղարքունիքի մարզերում»։ Վիկտորյա Խուրշուդյան, Պոլետ Սամուելյան, Անահիտ Տոնապետյան (ԻՆԱԼԿՈՒՍԵ ԴԵԼ–ԳՀԱԿ, Սորբոնի նոր համալսարան – Լատուիս–ԳՀԱԿ) – «Արցախի տեղահանված լեզուները. հայերեն բարբառներում լեզվաբանական փոփոխությունների փաստագրման և նկարագրության խնդիրները»։ Հրաչ Մարտիրոսյան (Վալբուրգի համալսարան), Գայանե Զովուրյան (Վանաձորի պետական համալսարան), Մանե Ղուկասյան (ԵՊՀ), Անի Սարգսյանյան – «Շուշանից մինչև խնջուղ. բուսանունների դիվաբանական գույքորդումները Արցախի ժառանգության մեջ»։

Գիտաժողովի երրորդ օրվա նիստը անցկացվեց Հնագիտության և ազգագրության ինստիտուտում։

Էվիյա Հովհաննիսյան (ՀԱԻ) – «Վաճառելով պատերազմը և տրամաման. Ղարաբաղյան երկրորդ պատերազմի առևտրայնացումը Հայաստանում»։ Ստեփան Պապիկյան (Տնտեսագիտության ինստիտուտ) – «Արցախի էներգետիկան»։ Մհեր Հարությունյան (ՊԻ) – «Արցախի ռազմական շինարարության առանձնահատկությունները չճանաչված պետության գոյատևման համատեքստում և դրանց արտացոլումը հիշողության դիսկուրսում»։ Արմինե Տիգրանյան (ԵՊՀ) – «Մշակույթի իրավունքի խախտումները արցախահայության բռնի տեղահանության համատեքստում. Արցախի բնապատմական միջավայրի օտարում, ավանդական կենսոլորտի խեղումներ, համայնքների կազմաքանդում, ինքնության պահպանման և վերստեղծման խոչընդոտներ»։ Էլինա Մխիթարյան (Հայաստանի ամերիկյան համալսարան) – «Ինքնությունը, հիշողությունը, ոչ նյութական մշակութային ժառանգությունը որպես փախստականների իրավունքների պաշտպանության մեխանիզմներ ու իրացման գործիք»։ Մարիամ Հերգնյան – «Անվտանգության և առաջնային պահանջ-մոլերների բացակայությունը որպես հավաքական տրամալի գործոն. Արցախի չըջափակման հոգեբանական վերլուծություն»։ Գրիգորի Ալվալյան (ՀԱԻ) – «Ղարաբաղի (Արցախի և Ուտիքի) հայերի էթնիկական ծագման ազգավորման հարցերն ադրբեջանական պատմագրության մեջ ուղի-աղվանական խնդրի լույսի ներքո»։ Լուսինե Անգելուշ (ՀԱԻ) – «Վերաիմաստավորելով «սուրը» բռնի տեղահանության պայմաններում»։ Անուշ Պետրոսյան (Տամպերեի խաղաղության հետազոտությունների ինստիտուտ) – «Վերակառուցելով կյանքը փտարանության մեջ. հիշողությունն ու տան որոնումը արցախահայերի չըջանում»։ Մարինա Գալստյան (Կրթական հետազոտությունների և խորհրդատվությունների կենտրոն) – «Երիտասարդների լուծությունը որպես հիշողության և համակեցության ռազմավարություն հետպատերազմյան Հայաստանում»։ Միհրան Գալստյան, Գայանե Հակոբյան (ՀԱԻ) – «Անցյալի հիշողություններ և ապագայի սպասումներ. Արցախից 2023 թ. բռնագաղթածների միգրացիոն ռազմավարությունների սոցիոլոգիական վերլուծություն»։

Զեկուցումների շուրջ ծավալվել են աշխույժ քննարկումներ։

ԳԵՎՈՐԳ ԳՅՈՒԼՈՒՄՅԱՆ

ՀՀ ԳԱԱ Հնագիտության և ազգագրության ինստիտուտի բանագիտության բաժնի կրտսեր գիտաշխատող, հայցորդ։ Գիտական հետաքրքրությունները՝ հայ բանահյուսություն, ազգագրություն, XVIII–XIX դդ. հայ գրականություն։ Հեղինակ է 5 հոդվածի։ ORCID:0009-0006-8185-149X.
gevorg.gyulum.1995@gmail.com